

祭 文

一

黄翼升

呜呼我公，百世之师！文章可闻，性道难窥。文章之显，乃在功名。破百万贼，复数百城。拯民水火，贻民乐利。廩有馀粮，野有滞穗。或俊而秀，曰胶与庠。菁莪在沚，兰芷升堂。公之勋德，语焉难详。识其大者，众口琅琅。

翼升从公，戎事伊始。草屨〔履〕布衣，枕戈而起。公谓汝能，俾整其旅。淮扬总兵，长江开府。屨擢于朝，不十年耳。翼升何人，当斯重任？俾免貽羞，恃公成命。

公在军中，屨〔屨〕濒于危。惟坚惟忍，实济我师。公治江左，清静无为。一笑一颦，化神若驰。公治畿疆，有严有翼。百吏奋兴，顽廉懦立。帝眷三江，还公于南。引疾不可，坐镇其堪。

民睹公来，望尘而喜。祝公百年，长我孙子。岂期一疾，遽展云辔。医不及药，巫不效灵。宝光烛天，微雨清尘。呜呼哀哉！

公之去来，盖有所为。既济艰难，遂遗荣贵。所难堪者，官府吏民。孰裨上理，敦活斯人？矧在翼升，恩同罔极。酸卮陈词，涕沾胸臆。呜呼哀哉！

二

梅启照

呜呼！春黯江南，星沉箕宿。音集堂槐，望摧梁木。模范犹存，仪型空囿。万祀难追，百身莫赎。中外心伤，军民巷哭。矧

属门墙，哀情弥笃。

恭维夫子！潇湘秀毓，衡岳灵钟。匡时良弼，当代儒宗。经纶满腹，兵甲罗胸。德崇忠孝，学擅清通。

操持冰雪，气度云霞。谦以接物，俭以传家。履仁蹈义，存诚闲邪。育坊行表，白璧无瑕。

词馆翱翔，争呼才子。文柄主持，群称得士。跻位卿贰，鹏翮高举。

应诏陈言，龙颜有喜。忽覩凶凶，杜门读礼。发逆猖獗，见义而起。

创立楚军，旌旗肃穆。天子知公，大事可属。授钺专征，焚香枚卜。乃统鹰扬，次第规复。

感恩图报，杀贼亡身。大小百战，用兵如神。十年饮血，千里无尘。东南重奠，为国为民。

饮至策勋，黄扉正位。穆穆侯封，世袭罔替。日月双辉，朝朝孔翠。载进宫衔，推恩子弟。

三江锁钥，首推寇公。一莅再莅，治理雍容。沛以甘霖，舒以和风。持躬何约，艾物何丰。

伟哉元老，帝倚如山。驰驱南北，宏济时艰。鞠躬尽瘁，力竭身疲。恨无灵草，可驻仙颜。

膏泽所敷，罔不追忆。召伯之棠，株株凝翠。岷山之碑，人人堕泪。方之于今，其情岂异。

纯臣忠爱，惓惓君王。一封遗表，虑远谋臧。身坠泉底，心立阙旁。奉谟说命，训词煌煌。

九重知己，一代元良。饰终令典，逾越寻常。易名晋秩，荷国宠光。有丈夫嗣，各秉义方。

名登农部，誉噪胶庠。貂蝉满屋，象笏盈床。明德之俊，百

世其昌。

惟予小子，受知最早。廿稔从游，离多会少。三载秣陵，重亲道貌。方冀长依，渥意鸿造。

胡沾微疾，遽返于天。所嗟永诀，竟无一言。代陈遗疏，哀更缠绵。楚些空赋，泣涕涟涟。

呜呼！谷雨凄凄，花风漠漠。泪染杜鹃，声悲白鹤。嗟我哲人，芳型难作。敬奠椒浆，惟虔惟恪。有蔬载奉，有酒载酌。夫子有知，尚其来格。

三

孙衣言

呜呼！昔子瞻之祭欧阳文忠，其词有曰：“民有父母，国有著龟。斯文有傅，学者有师。君子有所恃而不恐，小人有所惮而不为。譬如大川、乔岳，不见其运动，而功利之及于物者不可以数计而周知。”予常读而伟之，以为此固子瞻之知言。而自古大臣魁闾正直，非如欧阳公者，诚不足以语斯。而又疑此巨人之特出，殆将旷百世而庶几，不谓有我公之卓绝。及我生而得见，而又获亲炙以追随。

呜呼！自古贤圣与夫豪杰间出之士，其所以有于世者，固欲符其志之所蘄，而其事之能济与否，则常视乎所遭之幸不幸，而非人力之所能施。方公之以兵部侍郎督师乡里，因湖湘之众，用彭、杨、罗、李之才，转战十年，而遂以覆狐狸之窟穴，拯东南之孤离，此其功名之不世，固欧公所未及为。而其文章之恢奇浩瀚，学术之广博精微，贯古今于怀抱，罗百家而兼该，以视欧公，又可谓齐驱并骖，殊途而同归。然欧公当明道庆历之间，虽亦常困于夏竦、蓝元震，迁谪而忧疑。而自仁宗之末造，历英宗之首基，由台谏登侍从，掌帝制，握枢机，其立朝执政，固常历岁移

时，而史亦称其左右两宫，坐镇四海，盖白首而不衰。至其同时大臣，如杜、富、韩、范皆志同道合，左掣而右提，而石介、曾巩、苏轼、苏辙之徒，又相与切磨以道义，扬厉其光辉，是其才未必果尽所用，而其志可谓不磨斯期。

呜呼！以公之大度伟略、深谋远虑，使其所遇之幸若欧公，当太平之无事，处密勿以论思，则其所以引吾君于恭俭，挽俗世之浮薄，收天下之豪杰，谨安危之枢微，必有以光烈圣神武之烈，为万年深远之贻；而又东西奔命，与兵终始，不敢告劳，遂至尽瘁。名为宰相，而不能日与朝廷之谋议；功侔周、吕，而不能尽如萧、曹之指挥。挺危踪以孤立，恃圣主之独知。彼流俗之无识，或貌敬而心非，而浅夫之愤慨，甚至乎负恩忘义，腾讹造谤而不自知，其为翼轸而胎鲋。故世之论公，以谓其皇皇若弗及，戚戚若不怡；由功高而志下，亦道尊而气卑。而我之窥公，则固知其内视一己，固有未满之素志；外观斯世，尤有无穷之忧危。

呜呼！昔子瞻之从文忠游也，君子由以与之偕。而我之得出于公门，我弟方将使指而南驰。当文宗皇帝之初元，公方复讲书之旧仪，而大臣有不然者，我弟独密疏力争，以为此忠臣之至虑，邦治之纲维。及我弟为小人所中，我方从公于军中，独召语我而累欷，至于今已逾十年。我弟方有以自得于山巅水湄，而公之倦倦不已，犹欲引而置之殿墀。

呜呼！此其道义之相契，亦何待于执几杖以趋陪？矧如予之无状，视子瞻固无能为役，而飘摇江海，又一时所弃遗。岂谓公之推轂？屡有味其言之，虽举世皆嫌其愚直，而公独以为无瞻顾而依违。

呜呼！越吴疮痍，戎方嫪欺。大东杼柚，极西鼓鞞。大任侧席，重华宵衣。何一老之不吊，又孤生之无依？然则予之所以为

公资咨涕洟，亦何以易子瞻之词曰：“上为天下恸，而下以哭其私？”

四

钱应溥

嗚呼！崑岳降神，實生申甫。衡山嶽嶽，濯靈湘楚。篤生我公，兼資文武。旋乾轉坤，提攜籍戶。蒞土農夏，愛及商賈。以引以翼，无不得所。觴躬燕后，宜受百祐。撒手騎箕，長此終古。

惟公一身，伊呂皋夔。三代而下，孰与等夷？淵自通纂，及贊纶屨。垂四十年，众望咸归。手饒大難，身系安危。奇功伟烈，树兹丰碑。

摹绘日月，莫赞一词。小子不敏，请言其私。庚戌之岁，挟策上郡。大贤门下，幸获步趋。诏我经术，折衷汉儒。勸我言行，轨范程朱。自是过从，无间晨夕。邵位西宸，密契六密。嗜书成癖。容我参语，谬附湜籍。期我远到，金门射策。舞鹤氍毹，依然饒福。三载春明，迅驰驹隙。

公归梓乡，烽火连驿。义声所树，无避金革。我时簪毫，枢垣奉职。屡读公疏，雄词翕辟。军事成败，惊心药魄。百折不回，躬自贬责。

怅望衡云，神驰形隔。曾几何时，春秋十易。曰惟庚申，吴越糜烂。军书旁午，乡音中断。请〔情〕急南归，奉亲避乱。辛苦贼中，生死参半。涉海溯江，羈影私馆。自分此生，草间遭窜。

忽奉公书，招赴戎幕。命司章奏，欣然有托。娱侍高堂，天伦至乐。回溯京华，依然如昨。

先子绩学，校书万卷。公夙神交，而未识面。比来皖江，欢然相见。躬造敝庐，倾谈不倦。材官走卒，亦疑亦羨。及我居忧，生芻来奠。温语拊循，深情缱绻。至今思之，泪下如霰。

上元甲子，大功告成。相从东下，卜居江城。追维畴夕，始

庆更生。将挽银河，洗此甲兵。犹有余孽，蛟鳄纵横。皇帝日咨，命汝北征。席不暇暖，奉诏即行。我仍随侍，水驿山程。亦云负笈，匪曰请缨。

由徐达淮，是类是禠。舟师十万，星言夙驾。巨浸稽哭，洪流怒咤。时维朱夏，雷腾龙下。森风忽起，黄河激射。舳舻倾危，万众色讶。忽覩公舟，公犹整暇。共叹艰险，能以诚化。公曰不然，是殆天假。

舍舟而陆，移师周口。惟此要区，孤军扼守。贼众如蚁，环堞左右。公夜读书，气压刁斗。万柝噪声，恶氛退走。琴书怯敌，斯真新覿。

帝眷南服，资公坐镇。治军治民，同一忠寒。我违晨昏，二年缺讯。归念母氏，新霜添鬓。惟公锡类，仗公诚信。远游遄归，曾无悔吝。

畿辅重任，非公莫属。建节重移，北门锁钥。我恋庭闱，欲行又止。公体人情，慰语移晷。祖道潸然，味苦弹征。身滞江南，天末延企。手札时来，捧诵窃喜。

自公之去，民望若霖。祝公之来，公果重临。欢声雷动，鼓舞元音。大裘庇远，冬日爱深。治河筹海，经纬一心。德威耆栗，内外不侵。谓可永载，而倚高岑。

胡图一载，荫蹇丰霄。悲雨洒空，虹光烛宵。街衢聚哭，荐芷焚椒。天胡此醉，福不可徼。

忆出师门，岁星两周。亲侍几杖，十载勾留。涓埃寸滴，高厚莫酬。

数公幕僚，将相辈出。曾不数年，蜚英腾实。嗟我弩下。半生橐笔。顾从公久，情谊专一。正论微言，窥公慎密。诙谐谈笑，乐公真率。疏稿满筐，点窜涂乙。一字推敲，墨无旁溢。忍泪检

寻，音容仿佛。公手挾云，公心捧日。

天鉴忠诚，新宫久待。千秋万祀，是主是宰。一瓣心香，告升鼎鼐。风马云车，神兮斯在。呜呼哀哉！

五

陈 艾

呜呼！功被南服，绩纪太史。德洽数省，涣人肌髓。走卒妇孺，感受没齿。能言之流，挂漏无似。艾以迂拙，衔恩知己。自述梗概，敢辞弃鄙。

共遭时乱，避地祁门。敝衣蹶躃，就食城垣。先达说士，谒公行辕。草茅真率，寥寥数言。公喜我朴，大笑髯掀。时有专局，表公忠魂。俾我尸之，纪述粉蕃。月分廉泉，使市鸡豚。上奉老母，下逮儿孙。饥者告饱，寒者告温。筹笔偶暇，经史讨论。教诲恳至，引入篱藩。譬从峻阪，下就平原。公名善诱，忘我庸昏。

艾也不才，无干时志。公谓此人，泊然名利。惜其少慧，或为质果。置之膏腴，不备不醉。置之繁剧，不苟不嫚。果以狂愚，孤行己意。公鉴其诚，屡易善地。公善任使，艾实非器。我之疏直，宜老江湖。屡呈荐牍，绾竹使符。自顾未信，勿敢滥竽。公昔入覲，并辞樵苏。乃蒙加礼，遂其哺乌。公名知人，忘我之懦。

儿子巽懦，未露头角。公谓美质，资之使学。老师硕彦，俾从商榷。金入于范，加以磨琢。绠短汲长，负公先觉。公名无私，私其朴恣。举室衔恤，敢忘其朔？呜呼哀哉！

我一书生，惟事丹铅。就章服之，守牧比肩。孰饮食之，有粥有饘？孰启迪之，服膺儒先？兹母介弟，免于颠连。渥荷恩礼，十有三年。我虽愚鲁，敢忘膺拳？报德无日，揽镜华颠。寝门一痛，公鉴其虔。

六

李传献

呜呼！我公之生，六十有二年。心忧勤而匪懈，法天德之乾乾。学惟日其不足，力以久而弥坚。宜百年之逢吉，何乃创生之遽捐？

呜呼！公之道德，孔孟之亚；公之经纬，望散并驾；公之忧乐，庶先天下；公之文学，四科游夏；公之心志精神，全销磨于戎马。

当夫义旗初建，公誓不还。开诚布公，延揽英雄。天下已定，自视傲然。弥纶宇宙，公何加焉。

及至元老北观，犬戎内亟。公曰和戎，实维全局。筹谋在握，众口交非。公之精诚伟抱，不以物论移。然天下识与不识，至今无不服公之心，而畏公之威。

呜呼我公，天子是保。风雨扬旌，赖兹元老。桃李满门，公是师表。群疑众难，待公而扫。譬犹日月经天，而郭枉无不照。又如华岳镇地，持重而天下不挽。

维公之生，岳岳降神。及公之没，天地晦冥。黄童白叟，嗟予谁父？天子曰咨，夺我良辅。圣哲开先，公启厥后。有公则华，无公则陋。岂天不欲治平天下，何令我公之不寿？

不肖侍公，历年二纪。宦游京洛，伊谁知己？非受教于门墙，将抑郁而谁语？胡千里以寻师，乃匍匐而哭吾夫子。吾不为一身而悲，恐天下之患，当从此始。

七

张裕钊

呜呼！吹自嬴刘，芒芒百代。光岳之精，销铄散坏。挈往轸今，百靡一逮。姚姒子姪，邈乎宁再。

孰谓并世，歛遗我公？谢群冠伦，奋起湘中。遂度千载，蹈

古比隆。

惟公懋学，三代与期。六经百家，穷源泛涯。导达汉宋，藩决途夷。于天地人，靡奥不窥。炳为文章，迁雄诺唯。

维公经务，洞镜治机。曰惟五礼，哲王之遗，及兵与食，国之大谋。古稽而合，今施而宜。千圣之心，仰而思之。

公之得人，为天下忧。文武巨公，麾纛旗旒。峨冠大裙，黻彛首酋。旁逮群倖，一足褒者。若金就耀，熔于一冶。

公益寔乱，再造九区。忠诚愤鬯，云龙升扶。手提万众，摧荡凶渠。南掩扬越，北尽汝水。西指昆仑，东至于海。

六寓褰开，天海清泚。老涕孺嬉，绝苏炬起。凡公树立，横被八垠。纷千万亿，横目之民。估公若父，严公若神。

岂谓我公，睇若浮云？独居深牖，莫酌其津。众之所骇，公之所眇。公跼莫至，梦皋想伊。簪簪其近，战战其危。赞元消殄，潜运密移。天眷圣清，庶其乎回。

孰谓我功，我其敢知？孰谓我罪，我其敢辞？公乎卓越，重惟在斯。微烈之多，乃公糠粃。人之不谅，云公逶迤。吁嗟近古，畴则脐兹。

如何奄忽，天实罔极。九重震悼，万姓雨泣。矧我小子，靡所比似。薄陋拙滞，世之所弃。辱荷公知，区区文字。譬海纳川，我乃涓泮。暇日请谒，公展色喜。评權古今，往往移晷。嘉我海我，我藉我砥。翼我煮我，畀我无已。

我属别公，昔冬之季。孰云几日？遂隔万世。天下之痛，一身之私。哀来无端，涕贯如縻。公乎有知，其稔予悲。呜呼哀哉！

八

赵烈文

月之二十日，惊闻吾师薨逝之信，五内摧裂，顷刻迷闷。伤

哉奈何！

自庚午冬富驿庄送师南行，见师神气衰飒，心常忧虑，恐不得复侍颜色。是以频年感怆，南望长息，思欲奋飞而返。呜呼！今几何时，乃竟有此酷痛。伤哉，伤哉！

吾师今年六十有二岁，寿未期殁。生平禀赋之强，尽以用之国家民生。在师功超德迈，洒然遗世，岂复有憾？顾世事未宁，隐忧方大，朝廷奈何？予遗奈何？闻正终之顷，吉祥善逝，安坐含笑，初无疾苦。吾师天人，完归为乐，独不念喁喁举首之亿兆，鹄结待望之寒酸，失所依归，沟壑跬步耶？天不慙遗，胡宁太忍，伤哉奈何！

烈江东一顰戕蒙鄙之人，于师门无一线之系援，自匹夫致之方州；兄弟甥姪并受蒙养，掇拯之恩逾于大亲。十年以来，言笑忘分。涉名理则奖以治心，语应世则教之实践。闾门常行，许其敦睦；治理薄效，谓为多才。下至小文曲艺，无不出入辅颊，功掖不置。

呜呼！烈所蒙被于师，岂一息未尽所得忘耶？古人心丧三年，独居筑室，而门生之于举主，往往弃官奔走，千里行哭。烈生千蒙之下，形格势禁，此志不可复遂，然心神散失，官骸块然。嗟乎！纵能安存，亦墟莽之朴而已。尚可言哉，尚可言哉！

灵游在天，无远勿届。既伸哭寝之礼，辄写哀悼，达之几筵，师其鉴之。谨告。

九

郭嵩焘

呜呼！文皇初基，值时否蒙。公手承天，日月再中。苏枯煦幽，熙以雨风。四海宴清，孰匪公功？公功在人，德由身致。始以儒兴，演迤涵肆。咀含文章，照灼天地。卷怀一室，周情孔思。

道丧才散，群趋媚谐。模骨姘容，蹶迹崇阶。萌芽乱始，积阴成霾。抗言高谈，攘斥抵排。万口所讥，公以理揆。其所盛誉，或瑱其耳。惟不诡随，以衷于是。单独一心，中自砺砥。

人于功名，御智乘危。攀跻校量，公退若遗。及夫当事，从容指麾。弛张仁义，沛然以施。有或忤之，构瑕抵讪。厄艰哮怒，相顾惊疑。公心坦然，乾清坤夷。名都大邦，豺鼠充斥。手夷大难，如措诸席。功谢不居，受宠若惕。胚胎贤圣，功在畴昔。

自公初出，眩愕刺讥。既久怙息，星光日晖。终焉悍悍，呼吁归依。莫知其由，奔走歔歔。尤于士心，沦感弥宙。江榆海纳，琳琅在宥。微长自奋，接剔穷岫。流风百世，伊谁云觐？

愚蒙自少，公顾谓才。惊喜问故，日与时乖。曷云违时，富贵浮埃。奚所挟持，披胸洞开。发言吐气，战斗云雷。睽眊百怪，笑怒瞋猜。涉世廿年，齿冷心灰。回思曩言，诤我诬哉？

人生一世，短长得失。岂不自我，亦岂能必？闻公病目，念往视疾。枉书来招，要以时日。日及今兹，左眤犹明。子肥子瘦，能为子评。脱更需迟，两目俱盲。子来不见，徒闻子声。揽书涕零，语谐心侧。

道之悠远，生身无翼。效驾未遑，承凶气塞。死生须臾，宁能理测。不往而来，翩翩归旆。輶帷昼掩，何有见闻。怆怀平生，悔化殷勤。三十六年，事往如云。

天能为人，穷达天寿。如公百年，岂足云厚？冀世保邦，兹惟寿考。冥福获福，于世何有？天意固然，其又谁咎？余病早衰，自视宁久。奔号恍恍，从公恐后。顾伤在心，视此尊酒。

十

杨彝珍

呜呼！天步方艰，还履康衢。日轮已侧，仍返曦车。赖公之

力，是匡是扶。勋塞两仪，名溢八区。有喙祝公，长保硕肤。永奠我邦，免滋边虞。胡不憖遗，遽尔其徂。厦去栋栋，难赋俊芳。河溃金堤，虑即沦胥。众万咸嗟，岂惟吾徒？

公之生，实关间气。学成而仕，适与时会。菁菁立朝，昌言不讳。首请典学，建陈古义。继论大礼，排折群议。遂契宸衷，重膺委寄。

苞篋囊茅，发于边裔。席卷而东，踰张莫制。驾帅蹙奔，益助寇势。起公苦块，墨衰从事。慷慨登坛，立举偃帜。苞纳智策，役使才翰。谋无遗算，动出奇兵。所向辄捷，每慑先声。困濒危殆，挠败相仍。风摧其偏，火焚其旌。莫敢或缩，披羽先登。崎岖百战，天讨以成。荡涤江淮，一洗羶腥。

眇古论功，方召可埒。荣分圭茅，仍秉旄钺。邦之三吴，遥长朝列。旋移畿辅，以固门闕。道用包荒，诤改素节。谓遘冯河，恐集机楫。不量而进，匪覆则折。容俟观衅，再图翦灭。

知我罪我，一任来哲。岂意拖绅，东首望阙。誓志莫伸，五内焚裂。死泪盈盈，渍眶犹热。呜呼哀哉！

迹公生平，才大志远。游目宅心，不外坟典。比萃群儒，日事排纂。暇与觞咏，还肆游衍。名流争归，丛集无算。我欲从之，大江苦限。

追忆曩初，投分匪浅。有长必暴，亦纠其短。商定吾文，常至十反。卒则许之，击节称善。我除馆职，厥由题品。坚辞北面，视犹夷等。过我论心，窗虚月同。孤馆一榻，抵足共寝。有犯孔戒，刺刺莫噤。复起剧谈，呼奚淪茗。荒鸡四喔，乃徐伏枕。

及我去国，公心切切。留之不得，出钱于郊。未饮先醉，神逐旌摇。南望郴永，莽成贼巢。亟反山中，窜迹蓬蒿。公则帅师，几遍南交。离逖逾纪，重我吝劳。屡投木瓜，未报琼瑶。取喻辄

轂，借解予嘲。葬珍常歎公不報，書公以三十輒共一轂，對酒笑問者多難通報也。迹遐心邈，匪忘久要。擬持寸莛，再扣蒲牢。

倏聞驛讞，失聲而号。山風振木，愈助蕭騷。檐雨滴階，益增郁陶。群為泄泄，孰挽滔滔？冀公有靈，隔翊聖朝。

十一

汪士鋒

天眷聖清，日月重光。星精垂曜，降于南湘。邛乎不聞，卓上紫宮。風搏九萬，抑畏銅軀。

儉德服士，權盛不賴。并洛之郊，湖泓之沚。西玉南金，作貢天子。銘几箴屨，聖人有喜。

倏佐亂氓，盜兵潢池。駘帥縱之，匪怒而嬰。公嘉帝命，為簡之師。退蒐衡陽，乃創繼棋。

止則駐防，逝則奔馬。風霆滿空，晦其來下。左睨洪都，右拂江夏。使賊肝腸，遡焉九野。

士氣如劍，或浮或沉。公為耿冶，契合于深。會有天機，拔植高岑。窅然位分，見者傾心。

始迹洞庭，喋血彭蠡。飲承大符，斧賊鸛脾。益陽鈇之，合肥汰之。賊有心脏，介弟劍之。巢穴燬之，陰之。項兮遺黎，甘雨霑之。

帝胙偉烈，誓河菑茅。公開東閣，吐握英豪。鱗介在遠，慊不敢城。德量所涵，島嶼半包。

綱繆百年，宅奠田植。神有秩祀，饗有谷食。頻宮用羽，澤宮較射。國殤甄錄，書林圖式。

万井皦皦，相忘帝力。大禍不終，鞠凶吾人。春相同轂，銜恤旧恩。聲皆彻天，泪皆彻泉。仰瞻箕尾，四顧怒焉。中國有葵，豈止其身？嗚呼哀哉！

呜呼！彤云昼颓，大星宵贯。胡不慙遗，补我皇袞。东南列州，中外卿尹。蠢然心伤，无有远近。

帝心震悼，追念平成。纪功褒德，人臣莫京。保傅先正，殊典是膺。河山带砺，太常勒铭。

稽欤我公，天挺人家。因文见道，物与民胞。受知宣宗，摺笏立朝。删华振干，谐音箫韶。

道光之季，高文典册。议礼春官，庙廊动色。应诏陈谟，俾辅台德。天下想望，岿然柱石。

稂莠苞蘖，始西南隅。出柙掉尾，摧陷名都。荆扬鼎沸，湘楚啼狐。公倡大义，简车出涂。白刃空拳，出生入死。折而不挠，乱庶有弭。义愤所击，市人国士。校武洞庭，视吾旗鼓。既申军律，乃振天威。九天九地，电掣风驰。鄂城江右，开彼重围。责重权轻，忠忱不移。人谓公才，指挥如意。岂知旦明，刻苦自厉。吏不受约，餽无箠食。行间十年，痼疾未智。

遭遇圣明，受钺扬徐。制置列部，金虎分符。万方告警，崎岖一隅。大勇不惧，是究是图。受事之初，身非我有。靴刀可抽，柳或生肘。批却导窾，暂殄群丑。苍生倒悬，奔命恐后。左右两军，曰淮曰楚。二广分驰，犄角参伍。军谕祭酒，材官强弩。遂复皇舆，抗棱齐斧。

联珠合璧，上应元极。寰宇廓清，四维光宅。相度视师，纠逃王愿。先帝之明，我皇之德。节制四省，公辞不居。内轻外重，元老踌躇。履霜坚冰，吁咈都俞。所见者大，伟矣真儒。

眷彼哀鸿，轻徭薄税。遗黎苏息，其泽百世。屯田内充，天堑外卫。饔飧峨峨，江流控制。敬慎立法，广益集思。秣陵元武，汉

官昆池。徒尚威雄，无裨教施。超越往古，精心允釐。

河洛视师，碣石移镇。简贤自代，翊赞广运。推诚布公，智效愚奋。诏还江南，讴歌成韵。

昔公初临，囊突无烟。比公之去，都市万廛。昔公之去，嗔咽不前。今公重来，如农逢年。公顾欷然，日慎一日。老成远虑，罔敢暇逸。卧治弗劳，累烦纶綍。非不自惜，用坚晚节。

成都之桑，无八百株。禄奉所入，亦济军储。忧乐在民，孰瘠孰腴？家国一体，斯言不诬。

公之勋名，戒在骄肆。发必由中，外缘无累。公之学问，志为气帅。析理渊微，始终匪懈。

神明泰然，翔泳百族。大江南北，以鞠以育。骑箕天上，夺公何速。薄海含识，同声一哭。

伊余末学，幸生公乡。交公诸弟，接公宠光。罗师赴难，公翼之翔。录其弟子，示之周行。

嗣是以还，音尘间隔。读公疏章，想公颜色。煌煌大文，光映简策。措正施行，民听不惑。

岁星一周，拜公畿辅。信宿流连，辱公褒许。鷩鷩图南，密迹成矩。斗牛分野，好风好雨。

天胡不吊，归灵大荒。公灵虽邈，貽谋则臧。仪凤啖羽，群鸾引吭。治人治法，允迪皇纲。奎章饰终，恩殊典旷。春秋烝尝，民不能忘。乡人述哀，悼斯文丧。为天下痛，属辞凄怆。

十三

英 翰

呜呼我公！衡岳降精，视嵩生甫。天佑中兴，畀我硕辅。内幹钧轴，外绥疆土。百龄胡靳，遽悲千古。

辛酉之岁，湘师载东。巩鄂完江，遂恢皖墉。惟皖之恢，掩

贼背腹。公留镇之，里歌巷祝。

生死肉骨，衣寒食饥。莽莽荒榛，夷为衢逵。公来皖乐，公去皖悲。龙山峨峨，大雪遥垂。

薄材守土，遥承公后。美意良法，是稽是守。犹日咫尺，贻我绳纠。云何不吊？丧兹耆耇。

师师皖僚，公所陶甄。熙熙皖黎，公所拊循。公灵西归，经皖之浒。云白江清，一觞敬举。我僚我黎，洒涕如雨。

十四

思 锡

呜呼！惟公懋德，中兴匡济。泽被生民，功施没世。赫赫巍巍，光昭册史。铄古轶今，名垂万祀。

学究天人，有本有用。上窥姚姒，下躐唐宋。宏我皇猷，早登纶阁。道德光辉，日星并烛。

揆文奋武，戡乱定功。坐了万事，决策从容。知人善任，简材督师。齐楚吴越，大难芟夷。

百城晏起，不震不动。戈投于野，经横于陇。渐以岁月，养以雨风。疮痍是苏，伊谁之功？

分茅胙土，帝乃酬庸。伊维我公，知遇独深。阴阳燮理，股肱腹心。

千里邦畿，以奠以乂。南服重临，群生永赖。黄童白叟，农夫织妇。鼓舞欢呼，奔奏恐后。

有害务去，有利必因。生息教育，蹈德咏仁。以人事君，虚怀引汲。访问咨諏，心如不及。

经济韬铃，文炳武习。才大不矜，功高不伐。非察为明，言宽而发。海不择流，山不让尘。岳岳高风，休休相臣。

呜呼我公，遭际之隆！光辅三圣，慎始敬终。如何我公，端

坐遽薨。乔岳峰颓，箕缠星落。悲风入帟，飞雾裘幕。惘惘忠诚，遗疏是陈。天子震悼，愍予良臣。隆礼饰终，上溢易名。追崇帝傅，实光我清。

洛人罢市，襄民泣悲。古曰哀荣，今乃见之。嗟乎吾侪，平昔从游。仪型今闕，泉路悠悠。尚想明德，千古完人。道未坠地，光犹烛天。在公奚恨，斯民则悲。为天下恸，匪哭其私。

十五

殷兆辅

呜呼！绵暖千祀，否泰递遭。济世拯民，功资翊赞。昔在姒姬，靡收召翰。嘘烬灌郛，洗武江汉。光启中兴，声烈炳焕。千载生公，同勋异算。

懿公笃生，昴宿降祥。天诞英淑，毗翼圣皇。早历虎观，玉尺持衡。既登卿贰，嘉言孔扬。宣室前席，指陈慨慷。苍生霖雨，为海内望。

逮乎忧居，湘南读礼。蒿目鸱张，气浸四起。愤切同仇，义旗东指。酌酒登坛，跳刀练士。十万封狼，一军苍兕。铠仗明霜，舂耒蔽水。

云棚翔旂，及锋而鏖。初克荆峴，再清汉皋。挺鹿遁骇，黠狐窜逃。乘瑕蹈隙，溃堤决塹。下游不解，洪波复滔。吴山越水，万室漂摇。

圣皇绍衣，法宫侧席。壹意委任，东南半壁。方叔蕙珩，元公赤舄。巨艰是膺，纳隍引赍。综览舆图，广延策力。推毂邓钟，分猷靖勦。

三方蹙敌，五道合围。摧牙落距，支解腹披。桓桓介弟，今谢征西。稟谟宗衮，誓众登陴。惊霆昼裂，炮火云低。倾巢覆穴，遂戮鲸鲵。